



Clypeus Theologiæ Thomisticæ

In Tres Partes Divisus, Et Quinque Volvminibvs Comprehensvs

[Tractatus de attributis, de visione beatifica, de scientia Dei ac de ejus voluntate et providentia]

Gonet, Jean-Baptiste

Coloniæ Agrippinæ, 1671

§. III. Solvuntur objectiones

[urn:nbn:de:hbz:466:1-77132](#)

communicat: Sed repugnat Deum sic transformari in creaturam: Ergo illam amore affectio-
nis diligere.

Denique suadetur conclusio ex Tractatu de
charitate. Si objectum formale motivum divinæ
voluntatis esset bonum ut sic, ut abstrahens à
creato & in creato, etiam objectum formale moti-
vum charitatis, esset bonitas ut sic, ut abstrahens
à Deo & creaturis. Sed hoc repugnat: Ergo &
illud. Sequela Majoris est evidens, charitas enim
est participatio divinae voluntatis & amoris, ac
primum habet idem objectum formale motivum
arilla. Minor vero communiter docetur à Theo-
logis in Tractatu de charitate, & evidenti ratio-
ne probatur. Si enim objectum formale moti-
vum charitatis esset bonum creatum, vel bonum
ut sic abstrahens à creato & in creato, illa non
essentia Theologica: nam per hoc distinguun-
tur virtutes Theologicas à moralibus infusis &
acquisitis, quod primæ respiciunt immediatè
Deum tanquam objectum formale & specifica-
tum, secundæ vero versantur circa objectum
creatum.

Dico secundò: objectum formale terminati-
vum divinae voluntatis, esse solam bonitatem
divinam & increataam, non autem bonum in
communi, ut abstrahit à creato & in creato.

Hoc conclusio iisdem rationibus patet ac
precedens, & potest insuper suaderi. Primo,
quia illud est objectum formale terminativum
aliquius potentie, quod per se primò ab illa at-
tingitur, cetera vero ratione illius: Sed sola
divina bonitas, cum sit primum bonum & pri-
mum volibile; ac per se primò repræsentetur à
divina essentia, ut haberet rationem speciei & for-
me intelligibilis; per se primo attingitur à vo-
luntate Dei, per actum amoris & dilectionis,
cetera vero bona creata, & participata, attingun-
tur ratione illius: Ergo illa sola est objectum for-
male terminativum divinae voluntatis.

Probatur secundo conclusio: Objectum for-
male terminativum aliquipus potentie, debet ha-
ber perfectam cum ea proportionem & com-
mensurationem in ratione objecti: Sed bonum
ut sic, ut abstrahens à creato & in creato, non
habet perfectam cum divina voluntate propor-
tionem & commensurationem: Ergo non est ob-
jectum formale terminativum divinae voluntatis.
Major constat, Minor probatur. Bonum ut sic,
ut abstrahit à creato & in creato, est potentiale,
& continet solum in potentia & in confuso, om-
ni rationem entitatis & bonitatis; voluntas
autem divina est actus purissimus, & omnis po-
tentia est expers: Ergo bonum ut sic, ut ab-
strahens à creato & in creato, non habet per-
fectam cum divina voluntate commensurationem;
bene autem bonitas increata, cum illa sit actus
purissimus, & perfectissimo ac actualissimo mo-
do contineat omnem bonitatem creatam & par-
ticipatam.

Tertiù suadetur conclusio: Si divina bonitas
non haberet vim sufficientem ad adequatè ter-
minandam voluntatem divinam, esset imperfe-
cta in ratione objecti terminativi; non haberet
enim tantam extensionem & attingibilitatem
passim ad terminandum, quantum divina vo-
luntas habet activitatem ad volendum & aman-
dum. Sed hoc dici nequit: Ergo nec illud
Dico tertio: Creaturae sunt objectum terminati-
vum materialis & secundarium voluntatis di-
vinæ.

A Hoc conclusio patet ex dictis, cum enim crea-
tura attingantur & amentur à divina voluntate,
habent aliquam rationem objecti respectu illius:
Sed non habent rationem objecti formalis, ne-
que in movendo, neque in terminando, ut jam
ostendimus: Ergo habent rationem objecti ter-
minativi materialis & secundarii. Unde sicut ab
habitu charitatis attingitur Deus, & proximus;
Deus quidem tanquam terminus formalis, &
tanquam ratio attingendi proximum; proximus
vero ut objectum materialis & secundarium: ita
de creaturis, respectu amoris divini, cujus cha-
ritas est participatio, dicendum est; quod scilicet
solum ut objecta materialia & secundaria at-
tingantur, ratione nimur bonitatis divinae
quam participant, vel representant.

S. III.

Solvuntur objectiones.

Obijicies primò contra primam conclusio-
nem. S Augustinus 11. de Civitate, cap. 21.
circa illa verba, *Dixit Deus, fiat lux, & facta
est lux*, sic ait, *Si querimus quis fecerit, Deus
est, si per quid fecerit, Dixit fiat & facta est, si
quare fecerit? quia bona est.* Ex quibus verbis
hoc potest formari argumentum. Quando Au-
gustinus dixit, *quod Deus fecit lucem*, quia bo-
na est, *ly quia aliquam causalitatem importat:*
Sed non potest aliud genus causalitatis importa-
re, quam allicitis & moventis: Ergo ex mente
Augustini, bonitas creata allicit & movet vo-
luntatem divinam, & consequenter objectum
formale motivum divinae voluntatis, non est sola
bonitas increata, sed etiam creata, vel abstra-
hens ab utraque.

Respondeo primò, negando Majorem, nam
ly quia, in sensu Augustini, nullum genus cau-
salitatis importat, sed conditionem tantum re-
quisitam ut lux à Deo fieri possit. Cum enim
Deus non sit author mali, ut aliquid fiat à Deo,
bonitas necessario requiritur. Vel aliter explicari
potest propositio Augustini, Deum nempe fe-
cisse lucem, quia bonam: id est quia utilem ad
quam ordinat omnia: non ita quod bonitas uni-
versi, vel rationalis creaturæ, sit finis amoris
Dei, vel efficientia eius aetiva, sed duntaxat pas-
siva, & effectus à Deo facti.

Obijicies secundò: In Deo non solum inveni-
tur amor sui, sed etiam virtutes morales, quales
sunt justitia & misericordia: At illæ virtutes non
possunt in Deo subsistere, si sola bonitas increata
sit objectum formale motivum divinae voluntatis: Ergo &c. Minor probatur: Objectum for-
male motivum illarum virtutum, non est bonum
increatum, sed creatum; objectum enim
misericordiae, est aliena miseria ut sublevanda;
objectum vero justitiae, est alienum jus ut ser-
vandum.

Confirmatur: Divina bonitas specificat amo-
rem quo Deus seipsum diligit: Ergo non potest
specificare attributum misericordiae & justitiae.
Consequientia patet, cum enim illa attributa vir-
tualiter distinguantur ab amore divino, debent
habere diversa objecta specificativa, virtualiter
saltē distincta ab objecto specificativo divini
amoris.

Ad objectionem respondeo, concessa Majori,
negando Minorem. Ad cuius probationem di-
cendum est, quod licet objectum formale moti-
vum

14:

15:

16:

vum justitiae & misericordiae creatae, sit miseria aliena, ut sublevanda, & jus alienum servandum; quia ob sui limitationem, non repugnat illis specificari, & moveri à bopitate & honestate creata, respectu tamen misericordiae & justitiae divinae non ita seres habet, cùm repugnet illa attributa specificari & moveri à bonitate creata; sed misericordia divina movetur à divina bonitate, prout est ratio miserendi, & justitia ab eadem bonitate, prout est Deo ratio præmiandi; quod præstat divina bonitas, prout continet eminenter honestates objectivas misericordiae & justitiae creatae.

17. Ad confirmationem dicendum bonitatem divinam absoluē sumptam, & ut Deo convenientem, movere & specificare dilectionem Dei, respectivè verò consideratam, & prout est ratio remunerandi, & subveniendi aliena miseria, specificare attributum justitiae, & misericordiae: quia diversitas sufficit, ut specificativa horum attributorum, virtualiter differant à specificativo diuinam amoris.

18. Objicies tertio: Merita movent voluntatem præmiantur, eam inclinando ad tribuendum premium: Ergo merita nostra apud Deum movent ejus voluntatem, eamque inclinant ad præmiandum, & consequenter objectum motivum diuinæ voluntatis, non est sola bonitas increata, sed etiam honestas, & bonitas moralis quæ in actibus nostris meritoris invenitur.

Respondeo concedo Antecedente, distinguendo Consequens. Ergo merita nostra movent Dei voluntatem, ut in seipsis considerata, nego: ut in diuinâ bonitate contenta, concedo.

19. Dices, Merita ut in Dei bonitate contenta non habent rationem meriti, cùm diuinâ bonitas meritum esse non possit: Ergo si solum movent ut in Dei bonitate contenta, non movent diuinam voluntatem ut merita, & consequenter non salvatur honestas justitiae in diuinâ voluntate.

Respondeo distinguendo Antecedens, ut in Dei bonitate contenta formaliter, concedo: eminenter, nego. Et sub eadem distinctione, distinguendo Consequens & nego Consequentiam. Etenim ut in diuinâ voluntate honestas justitiae salvetur, sufficit illam moveri à bonitate divina, ut eminenter merita nostra continent, cùm ex hac sola motione sufficienter distinguatur à quavis alia virtute.

Dices rursus: Sicut merita movent Dei voluntatem ut præmet, ita demerita illa movent ut puniat: Atqui demerita non movent ut in Dei bonitate contenta; sed ut in seipsis inspecta: Ergo idem est dicendum de meritis. Probatur Minor: Demerita, utpote moraliter mala, nec formaliter, nec eminenter continent in diuinâ bonitate: Ergo non possunt movere diuinam voluntatem, ut in Dei bonitate contenta.

Respondeo concessa Maiori, negando Minor. Ad probationem dicatur dupliciter posse considerari demerita: uno modo entitativè, alio modo secundum honestatem objectivam, sub qua justitiam punitivam specificant. Primo modo inspecta, sunt mola, & per consequens non contenta in diuinâ bonitate. Secundo autem modo sumpta, non sunt mala, sed bona objectivè. Nam sicut Deus, entitativè suprema bonitas est, prout autem terminat odium, objectivè malus est. Ita demerita, licet entitativè sint mala, prout tamen justitiam punitivam specificant, objectivè bona sunt; ac per consequens sic sumpta possunt in di-

A vina bonitate eminenter contineri, & possunt sic contenta Deum ad puniendum movere.

Objicies quartò: Si Deus in amore creaturarum rationalium, haberet pro fine & objecto motivo suam bonitatem, illas non amaret amore amicitiae, sed concupiscentiae: Consequens est falsum, & contra D. Thomam 2. 2. quæst. 23. art. 1. Ergo &c. Sequela Majoris probatur: Si Deus in amore creaturarum rationalium haberet pro fine & objecto motivo suam bonitatem, amaret illas propter seipsum: Sed amare aliquid propter se, est illud amare amore concupiscentiae. Ergo Deus creaturas rationales non amat amore amicitiae, sed concupiscentiae.

Respondeo negando sequelam Majoris, ad cuius probationem, distinguo Majorem. Amaret creaturas rationales propter seipsum, id est propter commodum & utilitatem suam, nego. Propter seipsum, id est propter suam bonitatem, quia in nobis bona cautlat, & ordinat nos in seipsum tanquam in ultimum finem, concedo. Similiter distinguo Minorem, distinctione Majoris, & nego Consequentiam. Ut enim creaturæ rationales terminent amicitiam Dei, non requiritur quod amentur propter se tanquam propriæ ultimi fini, alias omnis amicitia circa homines est, moraliter defectuosa, quia constitueret ultimum finem in creatura. Sufficit ergo ad amicitiam, quod amicus velit bonum amico propter seipsum, eo modo quo ille est capax, & secundum regulas honestatis & condecentie; & quia creatura non est capax quod sit finis Dei, neque perfectio illius, sed potius eius perfectio consistit in ordinari ad ipsummet Deum tanquam in ultimum finem, & ab illo perfecti; hinc est quod salvatur perfecta amicitia Dei erga homines, licet Deus amet illos propter se tanquam propter ultimum finem; quia cum maximum bonum nostrum sit ordinari in Deum tanquam in ultimum finem, amando nos in ordine ad seipsum, amat nos propter bonum nostrum.

Objicies quintò: Si ob aliquam rationem bonitas divina esset objectum formale motivum diuinæ voluntatis, & non creaturæ, esset quia bonitas divina habet rationem finis, creature verò sunt media ad eam ordinata: Sed falsum est quod creaturæ habeant rationem mediæ in ordine ad bonitatem diuinam: Ergo hæc ratio falsum supponit Maior constat ex supra dictis, Minor probatur. Eatenus aliquid habet rationem mediæ, quatenus conducit ad finis affectionem: Sed creaturæ non conducunt ad affectionem honestatis increatae, cùm illa non dependeat à creaturis: Ergo non habent rationem mediæ in ordine ad illam.

E Respondeo concessa Maiori, negando Minor, ad cuius probationem dicendum est, in mediis duplice respectum ad finem reperiri: nemo de dependentiæ à fine in ordine intentionis, quatenus in illo ordine amantur ratione finis; & conducentiæ ad finem, & causalitatis ejus, seu influxus in ipsum, in ordine executionis. Creaturæ ergo respectu Dei non sunt media sub ulla ratione, alias Deus finis independens non esset, sed tantum sub prima, quatenus diligunt ratione honestatis diuinæ, ut participandæ à creaturis: quia tamen diuinâ bonitas est omnino à creaturis independens, creaturæ non habent respectu illius habitudinem conducentiam, aut habitudinem causæ.